

# Кузь нэм да бур шуд!

## Эжва йывлөн слава

### Иван Дмитриевич Чаланов

Чужис 1928 вося июнь 7 лунö Пармаын. Помалис Архангельскын да Москваын чери видзан госинспекторъяслысь курсъяс. Уджалис Вылыс Эжваса чери видзан инспекцияын старшöй инспекторöн, веськөдлысьöн. Унаысь бөрйылысны райсоветса депутатöн.

Гöтырыскöд быдтис да велöдис кум челядьöс.

Бур уджысь сетисны Российскöй Федерациялöн чери видзан овмöсса почётнöй уджалысьлысь ним, «Российскöй флоты 300 во» юбилейнöй медаль.

Кувис 2005 вося декабр 8 лунö Кулöмдинын



# Дардасор

Эжва йывса войтырлөн газет

Петö 1929 восянь

Субöта, 2011 вося июнь 4 лун

68 (10343)-öд №

Господалөн чай да сакар, крестьянинлөн лук да капуста

(коми шусьöг)

## ТÖДÖЙ, МЫЙ ВЫЛЫС

### ЮРАЛЫСЬЛÖН АДДЗЫСЬЛÖМ

Районса юралысь Д.А.Шатохин водзö тöдмасьö Эжва йывса войтырлөн тöждъясьöн да могъясьöн.

Май 30 лунö сийö кытшовтис Кулöмдинöд, июль 1 лунö вöли Югидъягын, а июнь 2 лунö - Кебангёлын. Быдлаын рытнас вöлины сходъяс, көни вöчöм удж йылысь висътасны местаяс вылын администрациясьон веськөдлысьяс. Бöрыннас найö, а сиджжö районса юралысь да администрациясь кывкутысь войтыр вочавидзисны йöзлөн коалöмъяс вылö.

Медшöр тöждъясьон лооны уджөн могмöдöм да туйяс дзоньталöм.

### ВОЛІС МИНИСТР

Июнь 2 лунö районö воліс республикаысь здравоохранениеса министр Я.С.Бордюг.

Сийö вöли районса шöр да Немдинса участкөвöй больничаясын, примитис йöзöс коалöмъясьон, аддзысьліс районса юралысь Д.А.Шатохинкөд.

### ДОНЪЯЛІС РЕСПУБЛИКА

Вылö донъяліс республика Кулöмдинысь ас вылö уджалысь Роберт Васильевич Третьяковöс.

Уна вося бур уджысь сылы сетисны Коми республикаысь почёт грамота.

16 воён «Барс» котыр, кодön веськөдлö Роберт Васильевич, ёна паськөдчис районын: эмось лавкаяс, нянь пöжаланинъяс, столövöй, дзоньвидзалун сөвмөдан комплекс, гожся кафе да с.в. «Барслөн» вына техника тöлын весалö юрсиктысь туйяс.

### ЛОКТИС ВЕЖА АЙ

Дереваннöй сиктö овны локтис вежа ай Гермоген.

Видзöдöмпырысь, дыр кежлö: ньöбис сикт помысь керка. Онi сийö нуöдö служба сиктса вöвлöм детсадын. Вольвлöны Енлы эскысьяс и посёлокысь.

Вежа ай Гермоген көсийö дзоньтавны вичко да служба нуодны сэнi, сы вöсна мый вöвлöм садын дзескыд. Водзтi вичкосö босьтчылісны нин дзоньтавны, но эз помавны.

### ВЫЛЬМÖДИСНЫ ОЛАНІН

Вильмөдісны олма да вермытöм йöзлысь Зимстанса керка.

Краситисны ортсыяныыс да вежисны мөд судтаысь öшиньяс.

Мөдöд гожöм нин уджалö «Лысва» котыр. Вежас и потшöс.

### СОДИС «БИЛАЙН»

Май помын Ручын босьтчис уджавны «Билайн» сотövöй йитöд.

Водзынджык танi «овмөдчылісны» МТС, ТЕЛЕ-2 да «Мегафон».

Асланым да общ. корреспондентъяс.

Июнь 1 лунö Кулöмдинын кышыда пасйисны челядьöс доръян лун. Сы вылö видзöдтöг, мый ывла вылын вöли ыркыд да тöла, районса культура керка водзö чукөрмылісны унаöн. Гаж пансис сылан-йöктан котыръяслөн фестивальсянь. Мичмөдөм сцена вывсянь петкөдлісны ассыны сямлунсö садъясысь челядь. Налысь сьылöмсö да йөктөмсö волісны видзöдны бать-мамныс. Вöлины зэв нимкодöсь асланыс быдтасъяс вöсна.

Вöли коляскаяс мичмөдөм кузя конкурс. Петкөдчис 20 сайö том гозя. Медбурöн, кызди и кольöм воын, лоисны



## ПАСЙИСНЫ ШУДА ЧЕЛЯДЬДЫР

М.А. да О.В.Гордиенко гозя. Найö коляскаыс вöчисны öдйö отсöг сөтан машина. Мөвпныс чужис кольöм вося конкурс дырйи на. Мөд местаö петис И.Ю. Сим-

пелева, коймөдö - Н.И. Мизева. Конкурсын вермысьясы сетисны козиньяс.

Коми республикаын 2011 во шуöма кагалөн воөн. И унатор вöчсьö,

медым найö вöлины шудаöсь. Районын эмось батьтöм-мамтöм челядь. Районса администрация нуөдис «Збыльмөд кагалысь көсийöм» акция. Сэтчö сюртчисны Зимстанса детдомысь да Кебангёлыса приютыс батьтöм-мамтöм 10 челядь. Акция дырйи быдöнлысь пöртисны олмö көсийöмсö. Ас вылö уджалысьяс сетисны налы козиньяс. Н.Е.Сладкоштина сетис Алиса Паршуковалы сотövöй телефон, З.Г.Сухолуцкая Ксения Есевалы - небыд ворсанторъяс, Р.В.Третьяков Анастасия Мосиналы - сотövöй телефон, А.А.Сметанина Милана Есевалы - роликъяса коньки, В.А.Русинов Юрий Тарабукинлы - вуграсян шатин, А.П. Напалкова - Елена Кузнецовалы вышивайтчöм вылö набор, С.Г.Щипунов Александра Стунниковалы - плеер, И.В.Ногиева Ульяна Есевалы - Барбилы паськөм. К.Я. Матвеева Олег Напалковлы - футбол мач,

А.Р.Ярова Анастасия Есевалы - МР-3 плеерлы флешка.

Тайö луныс лоис зэв шудаөн районса 15 челядьлы. Районса администрацияон веськөдлысьсöс вежысь Н.А.Левченко сетис налы паспортъяс. Виль паспортөн чолөмалісны миграция службалөн районса юкөнысь уджалысьяс Е.Д.Зубко да Н.В.Кулолаева.

Челядьлөн библиотека нуөдис том лыддысьысьяслысь конкурс, челядьлөн творчествоса керкаын уджалысьяс котыртлісны ворсöм.

Челядь бумагаысь вöчалісны туриясöс, көрталісны пöлтöм шаръясö да лэдзалисны сынöдö.

Посни войтырöс чöсмөдлісны мороженöйөн. Гаж артмис. Сийö дыр кежлö коляс паметяс челядьлы да налөн мамбатьлы.

Николай ЛЮТОЕВ.

Авторлөн снимокъяс вылын: коляскаяслөн конкурсын вермысьяс; сьылісны-йөктисны.







